



**DEWAN PERS
REPUBLIK INDONESIA**



**CONSELHO DE IMPRENSA
TIMOR-LESTE**

NOTA ENTENDIMENTU

ENTRE

DEWAN PERS REPUBLIK INDONESIA

HO

CONSELHO DE IMPRENSA DE TIMOR-LESTE

NOMOR: 05/DP/MoU/VII/2022

NÚMERU: 01/CI/VII /2022

**KONA-BA PROMOSAUN LIBERDADE IMPRENSA LIU HOSI FORTALESIMENTU
INSTITUSIONAL, DEZENVOLVEMENTU PROFISIONALIZMU JORNALISTA NO
MÍDIA**

Iha loron ne'e, Tersa-Feira, loron 19 fulan Juli tinan rihun rua, rua nulu resin rua, iha Edifisiu Dewan Pers Republik Indonesia, andar 7-8, Rua Kebon Sirih Nú. 32-34, Jakarta Central, Indonesia, ami ne'ebé mak asina tuir mai:

1. Ketua Dewan Pers Republik Indonesia, **Azyumardi Azra**, iha parte ida ne'e hodi naran **Dewan Pers Republik Indonesia** ho enderesu iha Edifisiu Dewan Pers Republik Indonesia, andar 7-8, Jl. Kebon Sirih Nú. 32-34, Jakarta Central, Indonesia, no tuir mai hanesan **PARTE DAHULUK**;
2. Presidente Conselho de Imprensa de Timor-Leste, **Virgílio da Silva Guterres**, iha parte ida ne'e hodi naran **Conselho de Imprensa de Timor-Leste** ho enderesu Avenida Bispo de Medeiros, Quintal-Boot, Dili, Timor-Leste, tuir mai hanesan **PARTE DARUAK**.

PARTE DAHULUK no **PARTE DARUAK**, ne'ebé tuir mai sei bolu nudar **PARTE SIRA**, uluk liu sei esklaresé pontu sira tuir mai:

- a. Katak, **PARTE DAHULUK** nudar Instituisaun Independente ho funsaun atu dezemvolve Liberdade Imprensa, hadia impresa nasional nia moris, fo balansu no esforsu atu resolve reklamasaun hosi sosiedade ba kazu sira ne'ebé iha relasaun ho publikasaun imprensa tuir Lei Número 40, tinan 1999 kona-ba Imprensa (*Lembaran Negara Republik Indonesia tinan 1999 Numeru 166, Tambahan Lembaran Negara Republik Indonesia Nomor 3887*);

- b. Katak **PARTE DARUAK** nudar instituisaun independente ho knaar promove Liberdade Imprensa no liberdade espresaun tuir Lei Komunikaun Sosial, Timor-Leste, Númeru 5/2014, artigu 44; (*Jornal da Repulika, Série I, No: 39, 19 de Novembro de 2014*)
- c. Katak **PARTE SIRA** iha espiritu hanesan atu haburas liberdade imprensa liuhosi fortalesimentu institusional, dezvoltamentu profesionalizmu jornalista no média;
- d. Katak **PARTE SIRA** ida-idak iha kapasidade atu fo tulun ba konseitu entendimentu ida ne'ebé fo benefisiu ba malu hodi haburas liberdade imprensa liuhosi fortalesimentu institusional, dezvoltamentu profesionalizmu jornalista no média;

Bazeia ba pontu sira iha leten, **PARTE SIRA**, aseita atu halo, asina no hala'o Nota Entendimentu kona-ba **Promosaun Liberdade Imprensa liuhosi fortalesimentu institusional, dezvoltamentu profesionalizmu jornalista no média**, ne'ebé tuir mai temin deit Nota Entendimentu, ho nia rekeztu sira tuir mai:

Artigu 1

INTENSAUN NO OBJETIVU

- (1) Nota Entendimentu ida ne'e halo ho intensaun atu utiliza rekursu hosi **PARTE SIRA** hodi promove liberdade imprensa liuhosi fortalesimentu institusional, dezvoltamentu profesionalizmu jornalista no média;
- (2) Nota Entendimentu ida ne'e halo ho objetivu atu asegura kooperasaun ne'ebé metin ho konsiderasaun ba karakter ne'ebe diferente no kompleta malu hosi mandatu no responsabilidade **PARTE SIRA**;

Artigu 2

ÁMBITU

Ámbitu hosi Nota Entendimentu ida ne'e:

- 1. Fortalesimentu Institusional ne'ebé kobre:
 - a. Edukasaun, Formasaun, Estájiu Serbisu
 - b. Promosaun Liberdade Imprensa
 - c. Dezenvolve programa conjunta hanesan Seminariu, Kolókiu, Peskiza no Publikasaun.
 - d. Interkambiu entre rekursu média no jornalista
- 2. Dezenvolve Regulamentu kona-ba Imprensa; política média no monitorizasaun programa kobertura
- 3. Kampanha hodi combate dizinformasaun
- 4. Atividade sira seluk tuir kna'ar prinsipal no funsaun **PARTE SIRA**.

Artigu 3

IMPLEMENTASAUN

- (1) Implementasaun Nota Entendimentu ida ne'e teknikamente sei regula iha Akordu kooperasaun ketak entre unidade teknika ne'ebé deside hosi **PARTE SIRA**, ho baseia ba Nota Entendimentu ida ne'e.
- (2) Akordu Kooperasaun ne'ebé temi iha pontu (1) nudar parte ida ne'ebe la bele fahe hosi Nota Entendimentu ida ne'e.

Artigu 4

FINANSIAMENTU

Nesiedade finanseiru hothotu ba implementasaun Nota Entendimentu ida ne'e sei sai nudar kustu no responsabilidade **PARTE SIRA** no/eh fontes finansiametu sira seluk ne'ebé legal liuhosi formulasaun téknika, proposta no akordu hamutuk.

Artigu 5

PERÍUDU

- (1) Nota Entendimentu ne'e validu durante tinan 5 (lima) hahu hosi loron ne'ebé **PARTE SIRA** asina no bele hanaruk, muda, hafoun, eh hakotu ho akordu eskrita hosi **PARTE SIRA**.
- (2) Ajustamentu no/eh mudansa ba Nota Entendimentu ida ne'e halo ho fo atensaun nafatin ba pontus no prinsipiu sira ne'ebé konkorda tiha ona entre **PARTE SIRA**.
- (3) Ajustamentu no/eh mudansa ba Nota Entendimentu ida ne'e hala'o ho nafatin konsidera prinsipiu sira ne'ebé konkorda ona antes entre **PARTE SIRA**.
- (4) Se Parte ida hakarak atu muda, hanaruk no/eh hakotu Nota Entendimentu ida ne'e, Parte refere iha obrigasaun atu fo hatene liu husi eskrita tarde liu fulan 3 (tolu) antes.

Artigu 6

MONITORIZASAUN NO AVALIASAUN

Monitorizasaun no Avaliasaun ba Nota Entendimentu ida ne'e hala'o periodikamente hosi **PARTE SIRA** mínimu dala 1 (ida) iha tinan 1 (ida) nia laran no/eh bainhira nesésáriu.

Artigu 7

DISPOZISAUN SELUK

- (1) Disposisaun sira seluk ne'ebé seidauk regula no/eh seidauk regula natoon iha Nota Entendimentu ida ne'e sei regula liuhosi akordu entre **PARTE SIRA** ne'ebé sei hakerek iha mudansa (*addendum*) ida ne'ebé sai nudar parte integral hosi Nota Entendimentu ida ne'e.

- (2) Nota Entendimentu ne'e sei la hamenus knaar, funsaun no responsabilidade **PARTE SIRA** nian.
- (3) Nota Entendimentu ida ne'e remata eh nulo tuir Lei bainhira iha legislasaun eh Política Governu **PARTE SIRA** ne'ebé la fo dalan ba implementasaun Nota Entendimentu ida ne'e.

Pasal 8

TAKA

- (1) Nota Entendimentu ne'e halo iha kopia 2 (dua) iha Lian Indonesia ho Lian Tetun no asina hosi **PARTE SIRA** no mos sai baze legal no kesi **PARTE SIRA**.
- (2) Karik iha interpretasaun diferente husi konteudu Nota de Entendimentu ida ne'e mak versaun Indonesia mak sai referensia principal.

Jakarta, 19 Jullu 2022

**PARTE DAHULUK,
KETUA DEWAN PERS
REPUBLIK INDONESIA**


Azyumardi Azra

**PARTE DARUAK,
PREZIDENTE CONSELHO DE
IMPrensa
DE TIMOR-LESTE**


Virgilio da Silva Guterres